

ELA. Debekua gaitzesteko, mila lagun bildu ziren Eusko Jaurlaritzaren egoitzaren aurrean



MONIKA DEL VALLE / ARGAZKI PRESS

ELAko manifestazioaren burua, erdian Jose Elorrieta dela, Jaurlaritzako egoitzarako bidean, atzo, Bilbon.

ELAren ustez, Jaurlaritzak manifestazioa debekatzea «patetikoa» izan da

Auzitegiak Herrizaingo Saila nabarmen utzi duela dio Elorrietak

Humberto Unzueta | BILBO

Manifestazioari debekua jarrita Jaurlaritza nabarmen geratu dela adierazi zuen atzo Jose Elorrieta ELAko idazkari nagusiak, eta Herrizaingo Sailak biharko manifestazioa debekatu izana salatu zuen, «haren eginbeharra manifestazio eskubidea bermatzea delako, ez aur-

kakoa». Sailaren erabakiari «patetikoa» iritzi eta «etsipenez» bete zuela gaineratu zuen.

Adierazpenok debekuaren aurka ELAk atzo goizean Bilbon deitu zuen manifestazioaren atarian egin zituen Elorrietak. Bertan sindikatuko mila bat delegatu bildu ziren, *Manifestazio eskubidea denontzat. Debekurik ez!* pankartaren atzean.

EAEko Auzitegi Nagusiak debekua atzera bota arren, ELAk deialdiari eustea erabaki zuen, «mina eginda dagoelako». Manifestazioa Jaurlaritzaren ordezkartzaraino iritsi zen eta han Leire Txakartegi batzorde nazionalako kideak debeku biderei utzi eta «gatazka gainditzeko elkarriketa eta distentsio dinamikak abiatzeko» eskatu

ESANAK

JOSE ELORRIETA
(ELAko idazkari nagusia)

«Gasteizek manifestazio eskubideaz egin duen irakurketarik ez du merezi egungo egoerak»

«Eusko Jaurlaritzak hartutako erabaki tamalgarria zuzendu dute epaileek»

«Proiektu guztiak bermatzeko ahalegina egin behar du Lakuak, eta hortik aurrera egin»

zion Jaurlaritzari. Manifestariek «debekua ez da bidea», «debekua amarrua da» eta «Balza, Garzon, adierazpen askatasuna» eta beste oihu bota zituzten Bilboko kale nagusietan barrena.

«Epaileen zuzenketa»

Ekainaren 15ean hainbat gizar-te eta politika eragilek Batasuna legez kanpo uztearen aurka egin zuten ekimen handiaren lelo eta xede bertsua «berreskuratu» nahi izan zuen ELAk atzoko mobilizazioarekin.

Horren harira, Elorrietak adierazi zuen egungo egoera politikoak ez duela merezi manifestazio eskubidearen halako «irakurketarik». Bere hitzetan, Jaurlaritzaren ahaleginak «proiektu guztiak bermatzea behar luke eta aniztasun horretatik abiatuta aurrera egin behar genuke». Jaurlaritzak hartutako neurria epaileek «zuzendu» dutela nabarmendu zuen.

ILEGALIZAZIOA

Sozialista Abertzaleek Bilbon «polizia operazioa» izango dela iragarri dute

Gotzon Hermosilla | BILBO

Bilboko udaleko Sozialista Abertzaleak taldeko zinegotziek iragarri dute datozen egunetan «xede politikoko polizia operazioa» izan daitekeela Bilbo inguruan.

Sozialista Abertzaleak taldeko bozeramale Lander Etxebarriak esan zuenez, euren taldearen susmoak azken egunotako zenbait gertaeratan oinarritzen dira: «Azken atxilotutakoei Bilboko herri-askoren inguruan galdetu diete etengabe, azken egunotan ugaltu egin dira kontrolak, eta herri-askok igarri dute atzetik ibili zaizkiela edo euren kotxeetan lapurreta susmagarriak jazo direla». Horri guztiari, Sozialista Abertzaleak taldeko zinegotzien ustez, gehitu beharko litzaioke «zenbait komunikabidek, atxilotuen ustezko deklarazioak hedatuz, sortu nahi duten giroa, mugimendu politiko baten kriminalizazioerako baldintzak jarritz».

Horren aurrean, Bilboko herriari zuzendu zitzaizkion zinegotziak, «erasoen aurrean erantzun ozena eman dezan eta kalera irten dadin», eta ezker abertzalearen kideei ere mezu bat helarazi nahi izan zieten, «eraso errepresibo hauen helburua gure bidetik ateraztea baita».



canalvasco

orain www.jumptv.com helbidean ere bai

Orain mundu zabalean ikus daiteke ETB. Izan ere, Canal Vasco Interneten emititzen hasi da www.jumptv.com plataformaren bidez.

Atzerrian senide edo lagunik baldin baduzu, iragarki hau moztu eta bidali eurei. Edo, nahiago baduzu, eman web helbidea: www.jumptv.com.

Bestalde, jakinaraz iezaiezu eitb.com helbidean ere ikus ditzaketela Canal Vascoren eta ETB Sat-en ohiko emanaldiak.

Eskertu egingo dizute.

eitb

